

Universitätsbibliothek Paderborn

**Svmma Totivs Theologiæ S. Thomæ Aqvinatis, Doctoris
Angelici Ordinis Prædicatorum**

Tertiæ Partis Volumen Secundum

Thomas <von Aquin, Heiliger>

Romae, 1619

Vtrum aliquo modo per ingratitudinem redeant specialius secundum
quædam peccata? 2

urn:nbn:de:hbz:466:1-38725

338 QVÆST. LXXXVIII. ART. I.

Ad tertium dicendum, quod per sequens peccati, iustitiae priores obliuioni traduntur, in quantum erant meritoriae vitæ æternæ: non tamen in quantum erant impeditiæ peccati. Vnde si aliquis peccet mortaliter, postquam restituit debitum, non efficitur reus, quasi debitum non reddidisset. Et multo minus traditur obliuioni pœnitentia prius acta, quantum ad remissionem culpæ: cum remissio culpæ magis sit opus Dei, quam hominis.

Ad quartum dicendum, quod gratia simpliciter tollit maculam & reatum pœnæ æternæ. Tegit autem actus peccati præteritos, ne scilicet propter eos Deus hominem gratia priuet, & reum habeat pœnæ æternæ. Et quod gratia semel fecit, perpetuo manet.

ARTIC. II.

Vtrum peccata dimissa, redeant per ingratitudinem, quæ specialiter est secundum odium fraternalm, apostasiam à fide, contemptum confessionis & dolorem de penitentia habita?

537
4. d. 22. q.
I. a. 1. co.
Op. 2. 3.

Ad secundum sic proceditur. Videtur, quod peccata dimissa non redeant per ingratitudinem, quæ specialiter est secundum quatuor genera peccatorum, scilicet secundum odium fraternalm, apostasiam à fide, contemptum confessionis, & dolorem de penitentia habita, secundum quod quidam metricè dixerunt,

*Fratres odit, apostata fit, spernitque fateri,
Penitusse piget, pristina culpa reddit.*

Tanto enim est maior ingratitudo, quāto grauius est peccatum, quod quis contra Deum committit post beneficium remissionis peccatorum. Sed quædam alia peccata sunt his grauiora: sicut blasphemia contra Deum, & peccatum in Spiritum sanctum. Ergo videtur quod peccata dimissa non redeant magis secundum ingratitudinem commissam, secundum hæc peccata, quam secundum alia.

¶ 2 Præterea*, Rabanus dicit, Nequā seruū tradidit Deus tortoribus, quoadusque redderet vniuersum

sum

habetur
de pen. d.
4 c. si Iu
d. 15.

sum debitum; quia non solum peccata quæ post baptis-
mum homo egit, reputabuntur ei ad poenam, sed & originalia, quæ in baptismo sicut ei dimissa. Sed etiam peccata venialia inter debita computantur, pro quibus dicimus, Dimitte nobis debita nostra. Ergo ipsa etiam redeunt per ingratitudinem. Et par ratione videtur, quod per peccata venialia redeant peccata prius dimissa, & non solum per peccata prædicta.

¶ 5 Præterea, Tanto est maior ingratitudo, quanto post maius beneficium acceptū aliquis peccat. Sed beneficium Dei est etiam ipsa innocentia, quæ peccatum vitamus: dicit enim ^{e. 7. ante med. 20. l.} Augustinus in 2. confes. Gratia tua deputo quæcumque peccata non feci. Maius autem donum est innocentia, quam etiam remissio omnium peccatorum. Ergo non minus est ingratus Deo qui primo peccat post innocentiam, quam qui peccat post penitentiam. Et ita videtur, quod per ingratitudinem, quæ sit secundum peccata prædicta, non maximè redeant peccata dimissa.

SED contra est, quod Gregorius ^{li 4. dist.} * dicit decimo-octavo Moralium, Ex dictis Euangelicis constat, quia si quod in nos delinquitur, ex corde non dimittimus; & illud rursus exigitur, quod nobis iam per penitentiam dimissum fuisse gaudebamus. Et ita, propter odium fraternalum specialiter peccata dimissa redeunt secundum ingratitudinem. Et eadem ratio videtur de alijs.

RESPONDEO dicendum, quod (sicut supradictū est*) peccata dimissa, per penitentiam redire dicuntur, in quantum reatus eorum ratione ingratitudinis, virtualiter continetur in peccato sequenti. Ingratitudo autem potest committi dupliciter: uno modo ex eo quod aliquid sit contra beneficium. Et hoc modo per omne peccatum mortale quo Deum offendit, redditur homo ingratus Deo, qui peccata remisit. Et sic per quolibet peccatum mortale sequens redeunt peccata prius dimissa, ratione ingratitudinis.

Alio

ar. præc.

^{c 60. cir.}
fin.

Alio modo committitur ingratitudo non solum faciendo contra ipsum beneficium, sed etiam faciendo contra formam beneficij præstiti. Quæ quidem forma si attendatur ex parte benefactoris, est remissio debitorum. Vnde contra hanc formam facit, qui fratri petenti veniam non remittit, sed eodium teneret. Si autem attendatur ex parte pœnitentis, qui recipit hoc beneficium, inuenitur ex parte eius duplex motus liberi arbitrij. Quorum primus est motus liberi arbitrij in Deum, qui est actus fidei formatæ: & contra hoc facit homo apostatando à fide. Secundus autem est motus liberi arbitrij in peccatum, qui est actus pœnitentiaæ: ad quem primo pertinet (ut supra dictu est †) quod homo detestetur peccata præterita; & contra hoc facit ille, qui dolet se pœnituisse. Secundo pertinet ad actum pœnitentiaæ, ut pœnitens proponat se subiçere clauibus ecclesiæ per confessionem: secundum illud Psal. 31. Dixi confitebor aduersum me iniustitiam meam Domino, & tu remisisti impietatem peccati mei. Et contra hoc facit ille, qui contemnit confiteri secundum quod proposuerat. Et ideo dicitur quod specialiter ingratitudo horum peccatorum, facit redire peccata prius dimissa.

Ad primum ergo dicendum, quod hoc non dicitur specialiter de istis peccatis, quia sint cæteris grauiora: sed quia directius opponuntur beneficio remissionis peccatorum.

*in corpora-
re art.* Ad secundum dicendum, quod etiam peccata venialia, & ipsum originale redeunt modo prædicto *, sicut & peccata mortalia, in quantum contemnuntur Dei beneficium, quo hæc peccata sunt remissa. Non tamen per peccatum veniale aliquis incurrit in ingratitudinem: quia homo peccando venialiter, non facit cōtra Deū, sed præter ipsū. Et ideo per peccata venialia, nullo modo peccata dimissa redeunt.

Ad tertium dicendum, quod beneficium aliquod habet pensari dupliciter. Uno modo ex quantitate ipsius

ipsius beneficij. Et secundum hoc innocentia est maius Dei beneficium, quam penitentia, quæ dicitur secunda tabula post naufragium*. Alio modo potest pensari beneficium ex parte recipientis, qui minus est dignus, & sic magis sit sibi gratia: unde & ipse art. 6. magis est ingratus, si contemnat. Et hoc modo beneficium remissionis culpa: est maius, in quantum præstatur totaliter indigno: & ideo ex hoc sequitur maior ingratitudo.

ARTIC. III.

Vtrum per ingratitudinem peccati sequentis consurgat tantus reatus, quantus fuerat peccatorum prius dimissorum?

A D tertium sic proceditur. Viderur, quod per ingratitudinem peccati sequentis consurgat tantus reatus, quantus fuerat peccatorum prius dimissorum. Quia secundum magnitudinem peccati est magnitudo beneficij, quo peccatum remittitur, & per consequens magnitudo ingratitudinis, qua hoc beneficium contemnitur. Sed secundum quantitatem ingratitudinis, est quantitas reatus consequentis. Ergo tantus est reatus, qui consurgit ex ingratitudine sequentis peccati, quantus fuit reatus omnium præcedentium peccatorum.

¶ 2 Præterea, Magis peccat qui Deum offendit, quam qui offendit hominem. Sed seruus manumissus ab aliquo domino, reduciatur in eamde seruicet, à qua prius fuit liberatus, vel etiam in grauiorem. Ergo multo magis ille, qui contra Deum peccat post liberationem a peccato, reduciatur in tantum reatum poenæ, quantum primo habuerat.

¶ 3 Præterea, Matth. 18. dicitur, quod iratus Dominus tradidit eum (cui replicantur peccata dimisla, propter ingratitudinem) tortoribus quoadusque redderet vniuersum debitum. Sed hoc non esset nisi consurgeret ex ingratitudine tantus reatus, quantus fuit omnium præteriorum peccatorum. Ergo aequalis reatus per ingratitudinem reddit.

S E D

ut dictu
et q. 84.
art. 6.

¶ 2
4. d. 22. q.
1. art. 2.
q. 3.